

Kavamatkunnin Tuhaqtitaujukhat

Kandami Kapuqhirnirmun Ilituqhainirmun Tatqirhiut

Aulaqtirvikhaa Ublua: Nigiliqivik 9, 2024

Nutgarvikhaa Ublua: Nigiliqivik 31, 2024

Nunavut-tamaat

75 sec

Kanadami Kapuutikkut Qaujhiimanikkut Tatqiqhiutaani pivaktait Niqiliqivingmi Kanadami naunaijaqhugillu anginiqarniit kapuutikhat tamaani inuuhirmingni. Uvani ukiungani pidjutaa una *"Munarilugu hivunikharijat. Kapuqhirlutit!"*

Munaqhiliqijitkut tadjja puiguqungitait Nunavunmiut taimaa kapuutikhat qajangnaittut ihuaqhutiklu amihunun aanniarutinun. Kapuqhirniq atauhiq ihuatqijaujunun pidjutikhaq munarivlugit inungnun qanurlikaak ukiuqaqtunun.

Angajuqqaat munaqtiujullu pihimajkharaluangit nutaqqap kapuqhirkhahit nutaanguqhimallugit inuuhigijaminin inirniliqtnut. Uqarvigilugu taaktingnun, munaqhi, havautiliqiji, nunallaamiluuniin munaqhiliqijitkut havagvianun pijakharijanun kapuutikhanun.

Kapuqhiqtaunik aanniaqtailijaudjutaujut nutaqqaanut, inirnit, ilagiiqtunut, nunallaanutlu tahapkunanit aanniarjuarutaujunit taapkualluanut inungnun aanniaqtaalaqittaaqtunut. Pilik qaffinik aannialaqidjutinik taapkuatut qallarjuarniq, kukuvalaangniq, unalu inungnun aanniarut papillomavirus kapurhiqtauguvit nutaraupluti aanniaqtailidjutaujut hapkunait aanniarutinit. Inirniit ihumagijakhaillu ukuat ukiup iluani kapuutikhanik uumatu qalangnikkut kapuutikhaq. Tetanus unalu diphtheria kapuutikhat kapuutigijaujukhaujun inirni qangiraangata tamaita quliit (10) ukiut munarijaudjutigilugu aanniarutimin. Una namuunijaqtailinikkut-kapuutikhaq kapuqtauhimajuq nutarautiluni pijainun piffaarmilugutauq qaangiqqat ukiuqalirnia 50-nik.

Pitqujait kapuutikhanun naunaitkutit biibinnuanun nutaqqanullu naunaiqhittiaqhimajun talvani [Nutaraujunun Kapuutinun Makpiraannuaq](#), hailijuq munaqhiliqivigijarni. Una makpiraannuaq ikajuutiginiaqtan naunaiqhijaami nutararijat kapuutigijainun kangiqhijuumilugillu kapuutaujunun. Inirniit atuqtaaqtain manipautitun aktilaanganik kapuutinun naunaitkutannuamun,hailijullu munaqhigharvingni. Tamaita kapuutit

titiraqtauvaktun talvani Nunavutip Meditech auladjutaani, tukhiqtaaqutillu aadjiliuqhimajumik kapuutingnun naunaitkutitit qujaginnag pijumaliruvigit.

kapuqhiutikhat naunaijariiqtaaqut imaa upautidjutikharnik tamaini aviktuqhimajumi. Hivajarlugit nunallaarni munarhitkut ihuarhailutin takujaqturvingharniq. Naunaittiagumaguvit kapuutikkut unaluuniin munaqhiliqivingni, qaritaujakkuuqlutin hamunga [Nunavut Kavamanga qaritaujakkut takujakturvia](#) uqarvigiluguluunniit munaqhingnun.

###

Tuhaqtipkainikkut Uqarvigijakhaq:

Pierre Essoh
Tuhaqtipkainirmut Ajuittiaqhimajuq
Munaqhiliqijitkut
867-975-5712
pessoh@gov.nu.ca

ᑭᓄᓐᓂᓐᓂᓐ ᓂᓕᓕᓕᓐ ᓂᓂᓐᓂᓐ ᓂᓂᓐᓂᓐ, ᓂᓂᓐᓂᓐ ᓂᓂᓐᓂᓐ ᓂᓂᓐᓂᓐ ᓂᓂᓐᓂᓐ www.gov.nu.ca.
Public Service Announcements are available in Inuktitut, English, Inuinnaqtun and French on www.gov.nu.ca.
Kavamatkunnin Tuhaqtitaujukhat hailihimajun Inuktitut, Qablunaatun, Inuinnaqtun Uuiutullu uvani www.gov.nu.ca.
Les messages d'intérêt public sont disponibles en inuktitut, en anglais, en inuinnaqtun et en français au www.gov.nu.ca.

Tuhaqtipkaijiit